

## ამბროლაურის კულტურის ცენტრის

### ბაჩანა ბრეგვაძის სახელობის ლიტერატურული კონკურსი

#### „მწიგნობარი“-ს დებულება

#### მუხლი 1. ზოგადი დებულებანი

- 1.წინამდებარე დებულება ადგენს კონკურსის ჩატარების წესებს.
- 2.კონკურსის ჩატარების მიზანია სამკითხველო უნარებისა და შესაძლებლობების გამოვლენა, წიგნიერების დონის ამაღლება.
- 3.კონკურსი ტარდება ქართულ (სახელმწიფო) ენაზე.

#### მუხლი 2. კონკურსის ჩატარების წესი

- 1.კონკურსის ორგანიზატორია ამბროლაურის კულტურის ცენტრი და ამბროლაურის მუნიციპალიტეტის მერიის პირველადი სტრუქტურული ერთეული - განათლების, კულტურის, ძეგლთა დაცვის, სპორტისა და ახალგაზრდობის საქმეთა სამსახური (შემდგომში-სამსახური).
- 2.კონკურსი ტარდება შვიდი წევრით დაკომპლექტებული ჟიურის მეშვეობით.
- 3.ჟიურის თავჯდომარე ირჩევა, ჟიურის წევრების მიერ,3(სამი)წლით,ორჯერ არჩევის უფლებით.
- 4.ჟიურის თავჯდომარეს უფლება აქვს, არგუმენტირებულად დააყენოს, ჟიურის ნებისმიერი წევრის შეცვლის საკითხი, რომელიც უნდა გადაწყდეს ჟიურის წევრების ხმათა უმრავლესობით.
- 5.კონკურსი ტარდება ნომინაციების მიხედვით შერჩეული ლიტერატურის შინაარსზე დაფუძნებული ტესტების გამოყენებით, რომელიც შექმნილია საქართველოს პარლამენტის ილია ჭავჭავაძის სახელობის ეროვნული ბიბლიოთეკის სპეციალისტების მიერ.
- 6.კონკურსი ტარდება 11 (თერთმეტ) სხვადასხვა ნომინაციაში.
7. სხვადასხვა ნომინაციაში გამარჯვებულ კონკურსანტს გადაეცემა ყველა ის პრიზი და სიგელი რომელიც, მან კონკურსის ფარგლებში მოიპოვა.
- 8.თანაბარი ქულების შემთხვევაში მოხდება დამატებითი კითხვების დასმა კონკურსანტებისათვის. დამატებითი კითხვა შეეხება საკონკურსოდ შერჩეულ ლიტერატურას და ბაჩანა ბრეგვაძის ბიოგრაფიას.
- 8.ტესტებისთვის განკუთვნილი დრო განისაზღვრება არაუმეტეს 25 წუთით.
- 9.ნომინაცია „თავისუფალი თემა“ წერითია. ნომინაციისთვის განკუთვნილი დრო შესაძლებელია განისაზღვროს რამდენიმე საათით.
- 10.ნომინაცია „ვეფხისტყაოსანი“ და „დრამატურგია“ განკუთვნილია სტუდენტებისათვის, რომლებსაც შეუძლიათ მთელი საქართველოს მასშტაბით, ჩამობრძანდნენ ამბროლაურში და მიიღონ მონაწილეობა აღნიშნულ კონკურსში.ამ ნომინაციებში მონაწილეობის უფლება ეძლევათ საქართველოს საჯარო სკოლების მოსწავლეებსაც, რომლებსაც სურვილი აქვთ თავიანთი ძალები და შესაძლებლობები მოსინჯონ აღნიშნულ ნომინაციებში. სხვადასხვა რეგიონებიდან ჩამობრძანებული მონაწილეების დაბინავება და კვება უნდა

უზრუნველყონ წარმომდგენმა მუნიციპალიტეტებმა, უმაღლესმა სასწავლებლებმა ან მონაწილეებმა საკუთარი ხარჯებით.

11. ამბროლაურის მუნიციპალიტეტიდან, ყველა აბიტურიენტს ეძლევა უფლება, მიიღოს მონაწილეობა ნებისმიერ ნომინაციაში (საბავშვოსგარდა).

12. საკონკურსო თემები და ტესტები ჟიურისა და კონკურსანტებისთვის ცნობილი გახდება უშუალოდ კონკურსის დაწყების წინ.

13. ჟიურის წევრი არ შეიძლება იყოს იმ საგანმანათლებლო დაწესებულების ხელმძღვანელი/პედაგოგი, რომელსაც წარმოადგენს მონაწილე, ასევე დაუშვებელია კონკურსანტი იყოს ჟიურის წევრისადმი დამოკიდებული პირი (ოჯახის წევრი). რამეთუ მათ შორის განსაკუთრებულ უთიერთობათა არსებობა შესაძლებელია ნეგატიურად აისახოს მიუკერძოებელი გადაწყვეტილების მიღებაზე.

14. გამარჯვებულს გადაეცემა ფულადი პრიზი, ფასიანი საჩუქარი და სპეციალური სიგელი.

15. პროექტში, ყოველწლიური სამჯერ გამარჯვების შემთხვევაში, კონკურსის მომდევნო წელს, აპრილის პირველ ნახევარში, გაიცემა სპეციალური ფულადი ჯილდო 1000 (ათასი) ლარის ოდენობით.

16. საბავშვო ნომინაცია განისაზღვრება 11 და 15 წლის ჩათვლით, მაგრამ, სამუშაო ჯგუფის გადაწყვეტილებით, არ მოიცავს მეცხრეკლასელთა დაშვებას ამ ნომინაციაში. მათ უფლება აქვთ აირჩიონ ნებისმიერი სხვა ნომინაცია. აღნიშნული მუხლის გაპროტესტების შემთხვევაში გადაწყვეტილებას იღებს ჟიური, ხმათა უმრავლესობით.

17. კონკტეტულ ნომინაციაში ერთი ან ორი მონაწილის ყოფნის შემთხვევაში ჯილდო გაიცემა ჟიურის მიერ საკონკურსო ტესტში დადგენილი ქულების საფუძველზე.

### მუხლი 3. კონკურსის ჩატარების ტექნიკური მხარე

1. კონკურსის ჩასატარებელი სივრცის გამოყოფას უზრუნველყოფს სამსახური.

2. რეგისტრაცია დაიწყება კონკურსის დაწყებამდე 30 წუთით ადრე.

3. კონკურსი ტარდება ტესტირების რეჟიმში. იგი შედგება 20-25 კითხვისაგან - თითოეულისთვის 4 სავარაუდო პასუხით.

4. საკონკურსო სივრცეში, კონკურსანტების მიერ დროის კონტროლის მიზნით უნდა განთავსდეს საათი.

5. აკრძალულია კონკურსზე მობილური ტელეფონით შესვლა. დაშვებულია, მხოლოდ სასმელი წყლის შეტანა.

7. აკრძალულია სამუშაოს დაწყება ჟიურის შესაბამისი ნებართვის გარეშე.

8. დებულებით დადგენილი შეზღუდვების დარღვევის შემთხვევაში კონკურსანტი მოიხსნება კონკურსიდან.

### მუხლი 4. მიმდინარე დებულებანი

1. დებულებაში ცვლილებების ინიცირება შეუძლია ჟიურის და ორგანიზატორის წარმომადგენლებს.

2. დებულება ძალაშია ხელმოწერისთანავე.

პროექტის ავტორი და მენეჯერი: \_\_\_\_\_ / გ. გორდეზიანი /

ამბროლაურის კულტურის ცენტრის დირექტორი: \_\_\_\_\_ / თ. დაუშვილი /

